



“

Alegria ta e
factor mas
sobresalí

BONERIANO

EDITOR:
Bonaire Communication Services N.V.

Djabièrnè 5 Yanüari 2024|Preis: \$1.25

CLARK ABRAHAM NO TA RIBA LEI

Elsmarie riba tour



Elsmarie Beukenboom, komo un bon amante di naturalesa, e dlanan aki ta riba un tour na Ecuador. E ta bishitando diferente área di naturalesa den e pais Sur Amerikano. Riba e foto Elsmarie durante su bishita na un di e sitionan di mas bunita di e pais.



Despues di añanan largu di diskushon

Nètnan anti suisidio Golden Gate Bridge ta kla

KRALENDIJK/SAN FRANCISCO -- Despues di añanan di diskushon riba e mihó manera pa preveni suisidio, San Francisco a kompletá konstrukshon di nètnan bou di Golden Gate Bridge. E instalashon di e nètnan aprobá mas di dies aña pasá, pa motibu di hopi retraso, e konstrukshon a tuma kasi seis aña.

E famoso brùg kòrá di California, ta un di e lugánan mas usá na mundu pa kometé suisidio. For di su apertura na 1937, por lo ménos 1800 persona a bula for di e brùg den awa friu.

Solamente 39 persona a sobreviví e kaida di kasi 70 meter.

For di e apertura di e brùg, tin yamada pa hasi algu tokante suisidio. Pero kon mester hasi esaki, a generá hopi diskushon entre residentenan, polítikonan i kontratistanan.

E nètnan ta kologá na tur dos banda di e brùg di 2.7 kilometer largu. Segun e direktor general di e brùg, e kantidat di persona ku a bula na 2023 ya a baha di un averahe di trinta pa aña na 14. Hende ku a muri den outo a kore bai lugá

kaminda e nètnan no tabata tei ainda.

E nètnan ta destiná pa evitá ku un hende por bula. Sinembargo ya tin algun persona ku a bula for di e brùg riba e nèt i despues a baha den awa i a muri. Sinembargo segun e direktor general, e chènsnan pa esaki ta eksitoso ta skars.

Hende ku bula riba e nèt lo resultá gravemente heridá. E ta trahá di stainless steel, Dennis Mulligan ta bisa e agensia di notisia AP. “Nos ke pa hende sa ku sí bo bini aki, ta hasi doló ora bo bula.”

Brantwer di e region ta kapasitá pa baha i saka hende for di e nètnan. Ademas e brùg mes ya ta keda patruyá pa para e personanan ku ke bula i tin telefòn spesial ku ta yama trahadónan di emergensia mesora.

E konstrukshon di e nètnan, ku ta mas o ménos 6 meter bou di e brùg, tabata konsiderablemente mas karu ku e 70 mion dòler ku a presupuestá promé. Na final, e proyekto kompleto a kosta mas ku 200 mion dòler.



Pronóstiko di tempu pa Boneiru

Djaweps 04 te Djabinè 05 Yanüari 2024
Chèns un áwaseru

Leve te parsialmente nublá i tin chèns pa un áwaseru. E temperatura máksimo lo ta aproksimadamente 31°C, e temperatura mínimo mas o ménos 25°C. Bientu for di direkshon ost moderá te basta fuerte, forsa 4 te 5.

Altura di ola: 1.5-2.0 m (4-6 pia)

*** Altura di ola válido pa laman grandi**

Consuelo
Memorial

Kaya Maria C. Hellmund-Boom 11 • Bonaire • CN
T/F: (+599) 717 3243 (24h) • info@consuelomemorial.com

"Bendishoná ta esun ku ta biba den Bo kas i por alabá Bo tur ora." Salmo 84:4

Ku duele na nos kurason nos ta partisipá fayerimento di
Mildred Lourdes Jolanda Martijn
mihó konosí komo Lula



Na nòmber di su concubino:

Clemente Elio Flores

Su estimado yuinan:

Kenny Martijn i Naomi Ruza

Charles Martijn i Angie Thomas

Su nietonan stimá:

Chaeston Martijn i Laeton Martijn

Mayornan:

†Candi i †Mamita Martijn-Evertsz

Rumannan:

Olga Robles De Medina-Martijn,

Aida Martijn,

†Mientje Vis-Martijn,

Ligia Martis-Martijn,

Adi Martijn,

Denny Martijn,

Eric Martijn,

ku tur nan respetiva esposa/o-concubina i famianan.

Subrinono(a):

Gregory, Ralphord i Omar Robles de Medina. Urvin, Vaneska i Michell Vis. Elgine i Sharissa Martis. Dennisha i Carmely Martijn. Elric i Margelin Martijn.

Su primo y primanan, tur su fiel amigu(a)nan na Aruba, Boneiru, Kòrsou i Hulanda, su eks koleganan di Maduro & Curiel's Bank, Interbank i WEB.

Bank, organisation nan pa comunidad ku Lula a yuda, Suzy Bakker na Kòrsou i Carlos & Pilar na Bogotá.

Demas famia:

Martijn, Evertsz, Vis, Martis, Kemp, Flores, Statie, Arias, Vlanders, Thomas, Mercera.

Si den nos tristesa nos por a lubidá algun famia òf konosi, nos ta pidi nos mas sinsero diskulpa.

Akto di entierro ta tuma lugá awe djabinè, 5 di yanüari na misa di Coromoto. For di 1'or di merdia defuntu ta na misa i 3'or tin un santu sakrifisio pa despedida.

Trahe kasual of kolorido ta apresia.

Despues di entierro, lastimamente famia NO por risibí bishita di kondolensia na kas.

CLARK ABRAHAM NO TA RIBA LEI

K R A L E N D I J K
- Korte den Promé Instansia a disidí na fabor di Fundashon Mariadal (FM) den un disputa entre e hospital i kompania di Clark Abraham. Hues ta kondená diputado Abraham pa paga e suma di USD 17.984,16 i alabes e mester paga e gastunan envolví den e proseso hudisial ku ta suma 578 dòler.

Remarkabel ta ku den e sentensia hues ta hasi menshon di e echo ku e kompania di Abraham no ta registrá na Kámara di Komersio. I esaki ta un violashon di e lei “Handelsregisterwet Bes 2009”. Básikamente Yo! Branding & Promotions, e kompania di Abraham ta un kompania fantasma. Komo tal e tin tur espasio pa partisipá den evashon di impuesto.

**Awor ta surgi e pregunta
Clark Abraham ta pará
riba lei?**

E diputado aki ku ta viola lei no solamente ta tacha e prinsipio di integridat. No por hustifiká e violashon aki komo algu privá. Un diputado a hura di mantené su mes na nos



leinan vigente, pues e no ta pará riba lei.

Frapante ta e echo ku Abraham semper a suprayá importansia di integridat. E gobièrnu aktual semper a enfatisá importansia di kumpli ku reglanan vigente, i awor a bin dilanti ku Abraham no ta kumpli ku regla. Sinembargo integridat ta mas ku simplemente kumpli ku reglanan. E ta un aktitut fundamental di nos polítikonan i mandatarionan pa loke ta kalidat i balor di nos institutonan (semi) gubernamental i nos komunidat boneriano.

Abraham su aktitut ta kuestionabel i lógikamente esaki tin

komo konsekuensia pèrdida di su reputashon i imagen. BONERIANO a aserká tata di pueblo pa sa su posishon den e situashon aki. “Gezaghebber no tin ningun posishon”, tabata palabranan di gezaghèber interino Reynold ‘Nolly’ Oleana.

**No por skonde tras di
esfera privá**

Na òktober 2023 BONERIANO a divulgá e disputa aki entre Yo! Branding & Promotions i FM. Clark Abraham komo propietario a reashoná bisando ku ta trata di dos partido privá. Ta keda remarkabel kon Abraham ta separá su kondukta privá for di esun polítiko. Bagatelisando e echo ku e no a kumpli ku lei i pa kolmo no a kumpli ku e konvenio ku FM tampoko.

Integridat den política ta referí na un kondukta honesto, transparente i étiko di un polítiko den

su desempeñu di su deber i responsabilidatnan. No por deskartá ku hustamente Abraham semper a insistí i kuestioná integridat di otro mandatarionan. Awor e no por skonde tras di esfera privá òf tilda prensa di ta partidista i ta hasi política.

Segun lei i regla

No ta promé bia ta kuestioná reputashon i kondukta di e diputado aki. BONERIANO a informá resientemente ku entrante promé di yanüari 2023 tur mandatario riba nivel desentral bou di kua un diputado di un entidat públiko ta kai, ta obligá di presentá un asina yamá deklarashon di kondukta (VOG) pa asina por keda nombrá komo tal. Esaki ta reglá den e lei pa promové integridat i funshonamentu di e gobièrnu lokal.

For di deklarashon di kondukta por saka afó ku e futuro mandatario tin un historia hudisial ku ta representá un opheshon pa e por funshoná komo tal riba nivel lokal. BONERIANO a bin komprondé ku ora solisitá pa un deklarashon di kondukta, ta bai investigá si ta eksistí delitonan registrá riba nòmber di e solisitante ku por ta un riesgo pa e funshon ku a pidi e deklarashon di bon kondukta. Polítikamente sinembargo diputado Abraham no tin mashá di teme. Na promé lugá

el a haña su deklarashon di bon kondukta serka gezaghèber apesar ku e tin un karchi penal. Na Hulanda lo no tabata posibel pa e por a bira diputado ku e kondena penal i atrobe un otro sentensia pa mal prestashon.

Na 2019 konseho insular a aprobá un asina yamá akuerdo di kabayero kaminda a palabrá kon i kiko mester hasi ora tin kuestion di violashon di integridat. E kondena aktual di e diputado normalmente lo tabata sufisiente motibu pa konseho insular kuminsá un proseso di investigashon i disidí riba e fe polítiko di diputado Abraham. Mientrastantu e akuerdo di kabayero a kaduká loko ta sufisiente motibu pa e koalishon disidí pa no entamá e proseso òf renobá e akuerdo di kabayero i ainda entamá un proseso kontra diputado Abraham.

Tambe por sosodé ku Abraham ta tuma honor na su mes i retirá pero esei no ta probabel, mirando su aktitut den e disputa ku FM.

Segun e struktura, awe tin un rueda di prensa. Vários persona ta den ekspektativa ku Abraham durante esaki lo akclará e situashon, diskulpando su mes na FM i na komunidat kompleto.

Un kos ta sigur, awor e bala ta den skochi di e nueve miembronan di konseho insular.

Kos Bon So

su staf i gerente ta manda palabranan di pesame na famia di

Edgar ‘Ga’ Mercera
nos fiel kliente

Nos ta deseá famia hopi forza den e momentunan aki.

‘Ga’ sosegá na pas....



Caribisch Netwerk riba NPO Radio 1

KRALENDIJK -- Caribbean Network ta kuminsá 2024 ku su propio programa riba NPO Radio 1. ‘In de nacht van Caribisch Netwerk’, presentá pa Guilliano Payne, ta fortalese e vínculo entre Hulanda i e parti Karibense di Reino.

Den e programa nobo akí, Guillano ta diskutí temanan di aktualidat ku invitadonan interesante ku tin un vínculo ku e islanan. E por ta un polítiko, òf un artista.

Den e promé episodio tin un kombersashon ku presentadó i eskritor di buki pa mucha Milouska Meulens. Den e di dos episodio, Guillano ta papia ku e kreador di teatro Raymi Sambo.

Den e di dos ora tin tempu pa skucha e podcast ‘The forgotten climate crisis’ di John Samson. Den e buki akí e ta profundisá den e konsekuensianan di e krísis klimatológiko pa e islanan Karibense.

Den e di tres ora, tin un yamada ku residentenan ku ta yega na e oyentenan tokante e bunita historianan di nos islanan i e aktualidat.

E kombersashonnan ta meskla ku músika Karibense kaluroso. E punto prinsipal ta ku ta krea un konekshon kaluroso entre e oyentenan di NPO Radio 1 i e seis islanan di Karibe.



Mas di 10 mil yu a alkansá laman

Aña eksitoso di turtuga

KRALENDIJK – E di satélite pa sigui nan temporada akí ta marka un gran éksito pa Turtle Conservation Center Boneiru (STCB) ku 125 neishi di turtuga registrá na Boneiru i Klein Bonaire. E fundashon ainda ta warda e resultado di e último sinku neishinan.

Ademas a kapturá 275 turtuga durante aktividatnan di investigashon di turtuga, di kua a marka 210 pa promé biá. Dos turtuga, Mateo i Gabriela, ta ekipá ku transmisornan

E di satélite pa sigui nan moveshon.

E proyekto a yuda un kantidat impreshonante di 10.720 yu di turtuga bandoná nan neishi na un manera seif. Ademas, 46 neishi a risibí sosten finansiero di spònsernan dediká.

E esfuersonan di STCB no tabata limitá solamente na monitòr i protehá turtuga. Tambe a organisá 104 limpiesa, inkluyendo mishonnan di buseo pa eliminá liña di piska i mantené Klein Bonaire limpi.



Eks Fiskal Gisèle Veen-Jonkhout a fayesé

KRALENDIJK – Ministerio Públiko a anunsiá djaweps mainta ku eks Fiskal Gisèle Veen-Jonkhout, kende pa un temporada largu a atendé kasonan penal na Boneiru, a fayesé.

Veen-Jonkhout a kuminsá su karera 1 di mei 1983 na Korte komo funshonario hudisial den formashon, RAIO. For di 1985 el a traha na Ministerio Públiko di Antia Hulandes i despues di 10 di òktober 2010, el a sigui su karera komo Fiskal na Ministerio Públiko di Kòrsou.

Durante su karera largu i impreshonante, Gisèle Veen-Jonkhout a okupá hopi puesto na Ministerio di Públiko.

E ta konosí komo e promé Fiskal di Antia Hulandes i komo e promé ofisial di prensa. Entre otro e tabata envolví den asuntunan di hubentut i droga. Na desèmber 2013, el a baha ku penshun despues di trinta aña di servisio.

Komo Fiskal, Veen-Jonkhout a duna un kontribushon signifkante na e sistema legal na Antia Hulandes i despues na Kòrsou. Su trabou i dedikashon tabatin un impakto duradero riba e komunidad, segun ofisina di Ministerio Públiko. El muri ku 66 aña.



KLM ta desvia debí na emergensia médiko

KRALENDIJK -- Buelo 767 di KLM djadumingu 31 di desèmber riba ruta di Boneiru pa Amsterdam, mester a desvia pa Bermuda, debí ku un pasahero maskulino di 77 aña a haña difikultat respiratorio.

Un bosero di e sentro di operashon marítimo di Bermuda, BMOC, a bisa: "BMOC a risibí un yamada for di e sentro di kontròl di tráfiiko aéreo di New York, NYARTCC, informando ku buelo 767 di KLM, un Airbus A330 riba ruta di Boneiru

pa Amsterdam, ta 400 mion na sùitost di e isla desviando pa Bermuda ku un pasahero hòmber di 77 aña ku ta eksperensia difikultat respiratorio."

BMOC a kuminsá ku e prosedura pa aktivá e aeropuerto fuera di orario di atendementu, miéntras NYARTCC ta haña mas informashon tokante e pashènt di e avion. E personal di emergensia di e aeropuerto ta konfirmá di a stashoná na e avion 00:36 i e ofisial di servisio di BMOC ta wak e avion den e aproksimashon final na pista 30 pa 00:44.

E avion ta aterisá i hibá na e rampa di e terminal di pasahero, unda e pashènt i su esposa a baha

for di e avion kaminda un ambulans tabata warda.

E buelo 767 di KLM a re-abastesé kombustibel

i despues di a baha e ekipahe di e pareha, e avion a reanudá su buelo pa Amsterdam.



Spar sèn riba gastu di komestibel

KRALENDIJK -- Deber di un konsumidó ta pa informá su mes pa sa kon kumpra mas barata i na unda e ta haña produktonan na preis ku por yud'é baha gastunan di kompra den e tempu ku tur kos ta birando mas i mas karu aki na Boneiru.

For di di mart 2023, Fundashon Tienda pa

Konsumidó Boneriano (FTPKB) a reorganisá i a kuminsá ku publikashon di komparashon di preisnan di komestibel den un estilo nobo.

Mensual a publiká komparashon di preisnan di komestibel ku tin notá den un lista ku produktonan básiko ku un famia por tin mester.

E meta pa avisá pueblo na unda e kategoria di produktonan segun e lista ta mas barata pa asina sostené e konsumidó Boneriano pa spar sèn riba gastu di komestibel.

Ta bai tin adaptashon di e lista di komestibel di FTPKB pa yanüari 2024 i tambe tin kambio den manera di informá pueblo i publiká.

Den e afan pa sirbi pueblo mas mihó, FTPKB ta apresia reakshon i krítika konstruktivo di pueblo i di komersiantenan pa mehorá su servisio. Por manda reakshon i krítika konstruktivo na e-mail Tiendapakonsumido@gmail.com òf via WhatsApp 701-6935

Lista di produkto

E lista di produkto di mart pa desèmber 2023, tabata konsistí di 9 kategoria di artíkulonon básiko ku mayoria kas di un famia ta hasi uso di dje, e kategorianan ku te referí na dje ta produktonan pa beibi, produkto pa kome ku pan, produktonan pa

bebe, fruta i berdura, artíkulonon pa hasi limpiesa, sòpi, suku, karni i piská i produktonan di grano i hariña

Den koperashon ku Tienda pa Konsumidó Kòrsou, FTPKB a introdusí e lista nobo na mart 2023 pa kompará preis di e 17 supermerkadonan mas grandi na Boneiru. Komparashonnan a tuma lugá di mart pa desèmber i tur informashon di e komparashon por download via e página di Facebook: Fundashon tienda pa konsumidó Boneriano.

Supermerkado mas barata

E supermerkadu di mas barata den e periodo menshoná, a resultá Caribe Supermarket. FTPKB a kompará e promedio di preisnan registrá di mart pa desèmber i a yega na e konteo ku un promedio di 43 for di e 142 produktonan di e lista básiko kual ta 32% a bende pa e preis di mas barata.

Caribe a resultá di ta

e supermerkadu ku mas kurason pa pueblo ku su produktonan ku preis mas abou ku tur e otro supermerkadonan. Pa sa kua produkto esaki nan ta, ta konsehá pa konsultá e lista sumario ku por download via página di Facebook.

Higiena di supermarket

Atenshon pa informashon tokante higiena di supermerkadonan, ta sigui mas despues. Tin ku menshoná sí ku durante registrashon di preis, no a tene kuenta ku higiena di e supermerkadonan i tampoko e pais di importashon.

Den 2024, FTPKB ta bai duna mas atenshon pa hasi sondeo i informá pueblo riba e importansia di seguridat i higiena den estableimentunan. Ta bai informá pueblo riba e tema kon por tin tene kuenta ku higiena ora ku ta kumpra komestibel e importansia di esaki i tambe e posibel konsekuensianan pa salú di pueblo sí no hasi esaki.

PENSAMENTU DI ANJA

Santiago 3: 5 ta bisa :

".....Asina tambe, e lenga ta un parti chikitu di e kurpa i tòg e ta kaba ku kosnan grandi. Mira kon un mondi asina grandi ta wòrdu pegá na kandela dor di un chispa asina chikí."

Kiko esei ta bisa nos?

Aristotales a yega di bisa, ku un palabra inhustu ta meskos ku bo tira un piedra riba un hende. Bo no por kit'é bèk, asta si e piedra no a mishi ku e persona. Pa bo sa.... palabra tin hopi forza.

Bo ke tin bo bida bou di kontròl? Bo ta sinti ku bo bida a sali fo'i man? Bo tin e idea ku bo bida ta un káos?

Ta bon pa bo pensa ku por ta posibel dor di tur e kosnan ku bo ta bisa otro hende. Si bo no por tin bo bida bou di kontròl , anto sòru di tin BO LENGA sí bou di kontròl.

Palabranan ku bo ta papia ku bo kasá, yunan, mayornan, amigunan, kolega i asta ku bo enemigunan, lo no wòrdu lubidá nunca. Pa e motibu ei... sòru pa bo palabranan ta di importansia.

Rumannan.... laga e palabranan aki yena nos kurason pa nos kurason por dirigí nos na un bunita manera pa anda ku hende den e aña nobo aki.

Bon Aña 2024 ku e bendishon di Dios sea semper ku bo.

4 yanüari 2024

Na opinion di eks-polítiko Yonchi Dortalina:

Vrolijk a usa motibu fofo pa tumba gobièrnu

KRALENDIJK – Eks-polítiko Reginald Dortalina, papiando den e programa ‘Aktualidat’ na Bonaire.tv, a bisa ku Cyril Vrolijk a usa motibunanan fofo pa a retirá su sosten na koalishon di UPB/MPB den luna di novèmber aña. Dortalina den pasado tabata afiliá na Union Patriótiko Boneriano (UPB) i asta a sinta komo diputado pa e partido ei.

Yonchi Dortalina a sigurá ku e no ta aktivo

mas den polítiko, pero e ta siguiendo sí desaroyonan polítiko i tin su opinion. Pero e ta evitá di drenta diskushonnan polítiko.

Dortalina: “Mi na trankil na mi kunuku, ku bista riba Seru Grandi, disfrutando di naturalesa. Pero tin desaroyo polítiko ku mim tin problema kuné. Manera e echo ku Cyril Vrolijk a retirá sosten na gobièrnu di UPB/MPB. Un persona ku apénas 30 voto ta tumba un gobièrnu. Ami

ta haña ku si e no tabatin di akuerdo ku e koalishon di UPB/MPB, e mester a entregá su asiento na MPB. Ta dor di MPB el a haña e asiento aki.”

Segun Dortalina, e aktitut di Vrolijk a pone ku gobernashon mester a kuminsá di nobo. “Riba e motibunanan ku Vrolijk a usa pa retirá sosten na gobernashon di UPB/MPB mi tin problema. Ta motibunanan fofo, manera e echo ku, segun el a bisa, e no a haña niun atenshon di parti di su hendenan di partido na momentu ku e tabata enfermo. Kier men e no ta kontentu ku su koleganan di partido no a trese buskuchi ku te p’e durante su enfermedat. Ta motibunanan un tiki straño.”

Di otro banda Dortalina ta haña ku tabatin motibunanan bálido ku Cyril Vrolijk por a usa pa retirá sosten na e koalishon anterior. Por ehèmpel e echo ku un

diputado den e koalishon anterior a malinformá Konseho Insular, segun a sali na kla for di un investigashon ku gezaghebber a hasi. Esei portabata un motibu serio. Pero e no usa e motibu ei pa hustifiká e desishon ku el a tuma pa retirá sosten na koalishon UPB/MPB, pa djis despues bai traha ku Demokrat i Daisy Coffie.” Refiriendo na aktitut di e diputado konserní, Dortalina a bisa

ku aki sí polítikonan lokal por tuma ehèmpel riba polítikonan na Hulanda, ku ta baha na momentu ku sali na kla ku nan a tuma desishonnan ilegal.

Dortalina: “Tin biá kisas no ta nesesario pa nan baha, pero sikiera pidi dispensa pa loke nan a hasi. Mi mes komo diputado a yega di kometé diferente fayó, pero mi a sali pidi dispensa i sigui den funshon sin problema despues.”



MI NO SA KIKO MAS PA PIDI!

“No preokupá pa nada; ma den tur kos, pa medio di orashon i súprika ku gradisimentu, laga boso petishonnan ta konosí dilanti di Dios.”
Filipensenan 4:6 (BS)

Aña a habri i bo ke drecha bo bida di orashon. Ta sumamente dushi pa hasi orashon pa bo mes i tambe pa otro persona. Nota den un skref bo mes petishonnan i tambe nòmber di personanan ku bo ke hasi orashon pa nan. Por sosodé ku na momento di orashon bo ta pidi pa forsa, sabiduria, bon salú, etc. Pero... bo no sa kiko mas pidi.

Beibel ta yen di versíkulonan ku ta indiká nos kiko Dios ke den nos bida i di un otro persona. Ata algun ehèmpel. Pidi Dios pa:

1. Fidelidat den matrimonio -Hebreonan 13:4
2. Ehèmpel den palabra, aktitut -1 Timoteo 4:12
3. Fieldat den lesa i studia Dios Su Palabra -1 Timoteo 4:13
4. Pidi pa sabiduria - Santiago 1:5-6
5. Temor di Señor -Deuteronomio 10:12-13
6. Apstené di pikánan seksual -1 Tesalonisensenan 4:3
7. Salbashon - Echonan 16:31
8. Kresementu spiritual -2 Pedro 3:18
9. Provishon segun Dios Su boluntat -Filipensenan 4:19;
10. Forsa di Dios -Isaias 41:10

Bo por usa esakinan komo petishon pa mes i tambe pa un otro persona segun su nesesidat. Esaki ta djis un par di ehèmpel; asina por sigui yena blachinan. Hasi bo hùiswèrk, skirbi e versíkulonan, nota e nòmbernan i hasi orashon bai gol. Bo lo ripará ku bo no ke stòp. Señor a bendishoná mi hopi ku e sistema akí.

Mi ta retá bo pa kuminsá awe mes!

Marilyn Asmah-Paula
Produkshon PGM

Programanan di Bonaire.tv

TELBO kanal 70
Flamingo TV kanal 23

Djabièrnè 5 Yanüari 2024

12.00 Herensia:	Eye on the Caribbean (Bonaire & Saba)
13.00 Aki Boneiru:	Johnny Craane
14.00 Herensia:	Brida Manuel
15.00 BAPA:	Cesar Zimmerman
16.00 Aktualidat:	Esther Sedney
17.00 Aki Statia:	Franklin Gibbs
18.00 Herensia:	Baldomero [Lanlan] Clarinda
19.00 BAPA:	Karel Boekhoudt (Super Dynamic) - Jay Havisier (Bonai)
20.00 Herensia:	Rondo Domacassé
21.00 Aki Boneiru:	Ruta Wayaka 2020
22.30 Herensia:	Pablo Leon (Doei) Felida

Tur mèrdia 12’or ta kuminsá un programashon nobo di 4 ora.

E programashon aki ta ripití pa 24:00.



Kolegio Ehekutivo ta vigilá ki influensia oumento suèldu mínimo tin

KRALENDIJK -- For di 1 di yanüari suèldu mínimo a subi di \$1.236 pa \$ 1.570 i e no ta keda asina. For di 1 di yüli e suèldu ta bira \$ 1.750. Un oumento di na tur 42%, un subida drástiko. Unu kaminda segun Kolegio Ehekutivo, no ta bisto ainda kiko e konsekuensianan lo ta.

Parse na promé bista un bunita desaroyo. Empleadonan ku un suèldu abou por gana un tiki mas. E ta parse mas bunita ku e ta. E suèldu

mínimo di trahadónan ta subi, oumento di preis di diferente produkto lo ta un konsekuensia dirèkt.

Luna pasá Bonaire.nu a risibí un mensahe kaminda a anunsiá subidanan di preis konsiderabel. Esaki ta un desaroyo ku ta bai vigilá, segun e kolegio ehekutivo aktual.

Segun Diputado Nina den Heyer a inkalkulá e desaroyo ku a inisiá 1 di yanuari: “Tabata di spera ku na momento di oumento di e suèldu mínimo, lo a

bini oumento di preis.”

E diputado ta sigui bisa: “Mi ta spera ku e empresanan lo hasi esaki rasonablemente. Mi ta spera ku sí bo ta kustumbrá ku un márgen di ganashi di 50%, e empresanan lo konformá nan mes ku algu ménos. No laga yega asina leu ku ta nos mester bai stipulá preis.”

Diputado Clark Abraham no sa ainda eksaktamente kiko e konsekuensia ta bai ta di e oumento. E ta laga sa: “Nos

ta bai monitòr e situashon.”

Segun Abraham, oumento tabata inesperá. Lo no subi e preisnan demasiado. Sinembargo e tambe tin e speransa ku e empresanan lo no subi e preisnan demasiado: “Na Boneiru nos ta enfrentando un rekuperashon haltu. Tabata di ferwagt ku empresanan lo a subi nan preisnan. Mi ta spera ku e no ta sali fo’i man i ku finalmente ta nos komo Kolegio Ehekutivo mester bai stipulá preis. Esei lo ta un último medio pa dominá e merkado”.

ta konta ku lo ta e último medio pa bai kontrolá e preisnan einan.”

Pa tene e preisnan abou, por pensa pa buska produktonan lokal pa Boneiru for di den region. Ántes barkunan Venezolano tabata bini e isla pa bende bèrdura i fruta na personanan individual. Na Kòrsou esei ta sosodé awor tambe. Na Boneiru tambe e barkunan akí a bin bèk despues di Corona, e benta sinembargo ta sosodé aktualmente solamente via un intermediario.

Ta parse ku a surgi un problema nobo ku e oumento di suèldu mínimo i e oumento di preisnan. Preisnan den supermerkadonan ta haltu. Turistanan ku ta bini nos isla tambe ta keha. Un eventual subida di preis einan, lo tin konsekuensianan grandi pa turismo riba e isla.

Segun Abraham, esaki ta algu pa sigui tene cuenta kuné: “Aki tampoko nos no ke bai entremeté den subidanan di preis asina asina. Mi ta kere ku e supermarketo, komo stashon final, no ta bai haña e mayó atenshon di nos. E importadó tin hopi influensia. Pero aki tambe

Segun Abraham, binida di e barkunan ta un di e maneranan pa tene e preisnan den supermerkadonan abou: “Si, mi ta mira esei komo un oportunidat. Na Boneiru e komersiantenan no mag negoshá ku e konsumidó dirèkt, pasobra e komersiante no tin un empresa inskribí na Boneiru. Nos ta wak otro posibilidatnan sí. Manera produktonan di Repùblika Dominikana tambe ta bon biní aki nan. Pa medio di e tipo di método nan akí, nos ta purba di tene e preisnan pa e konsumidó abou.”

(Fuente: Bonaire.nu)



PRESENTASHON 7 JANUARI 2024				
FUNDASHON MASKARADA BONAIRE				
ORARIO	NOMBER	ADRES	BARIO	SALIDA DI BUS
09:30 – 10:00				
10:30 – 11:00	Lourdes Mercelina	Kaya Baracuda	Antriol	11:05
11:15 - 11:45	Famia Abdul	Kaya Hulanda 19	Playa	11:50
*****	***LUNCH***	*****	*****	13:00
13:15 – 13:45	Famia Soliano	Bario Mexico 13	Antriol	13:50
14:15 – 14:45	Raymunda Martis	Kaya Charles Beukenboom 5	Antriol	14:50
15:00 – 15:30	Famia Saragoza	Kaya Vicente F Gomes 6	Antriol	15:35
15:45 – 16:15	Steven Snack	Kaminda Tras di Montaña	Tra’i Montaña	16:20
16:30 - 17:00	Famia Theodora (Chon y Norma)	Kaya Rafaela 21	Antriol Pariba	17:05
17:15 – 18:00	Plenchi banda di Chio Semeleer	Kaya Caribe Kana Bay	Buurtcentrum Noord – Saliña KITA MASKA 18:00 ***FINAL***	

Yonchi Dortalina ta boga pa: Festival di Barí na fin di año

KRALENDIJK – Reginald (Yonchi) Dortalina ta boga pa organisá un festival di barí tur fin di año na Boneiru. Un festival den forma di kompetensia durante kua kantadónan di barí ta presentá nan barí i unda na final ta saka ganadó.

Boneiru a konosé hopi kantadó di barí ántes, spesialmente den e bario Rincon, kuna di kultura boneriano. Por menshoná entre otro Juan Mercera, Nemensio Winklar, Shon Hulita Inias, Hosé (Djo) Mercera.

Na Antriol mes tin te

ainda Robby Martis.

Tur año ora ku Yonchi Dortalina su barí sali tin hende ta puntra ki dia e ta kanta su mes, por ehèmpel ku ora e bebe e ta adoptá un akititut fastioso. “Mi ta dal beter enbèrdat, pero no mas manera ántes. Na fin di 2024 aki lo mi kanta mi mes, ku ingredientenan manera kabei ta bira blanku. Keda pendiente.”

Dortalina, biniendo bèk riba e idea pa bini ku un festival di barí, a sugerí pa SKAL òf kualké otro instansia aktivo riba tereno kultural organisá esaki.



DEN PASO DI BÒI

Riba e Boneiru di awendia ta parse ku a bira ku tur loke bo hasi ta malu i tur loke bo keda sin hasi tambe ta malu. For di tur skina tin reklamo riba loke bo hasi i keda

sin hasi. Ta un situashon ku mi ta konfrontá diarriamente den mi trabou i den mi bida.

Papiando di bida. Hopi hende tin tendensia di

tira falta riba 'bida' na momentu ku sierto situashonnan presentá den nan bida. Esei no ta korrektu. Bida no tin falta di nada. E responsabilidat ta riba abo komo hende. Bida tabat'ei, t'ei i lo sigui t'ei. Ta abo, i niun hende mas, ta determiná kiko ta pasa i no ta pasa ku su bida. Pues no kulpá 'bida' pa bo echonan deskabeyá.

Den e último siman di aña m'a move basta na Kòrsou huntu ku mi yu muhé Sebel. Nos a bishitá algun persona, manera mi primu Freddy Sadek. Lástima ku mi ruman muhé mayó no por tabata mas riba mi lista di bishitanan normal na Kòrsou, komo ku el a fayesé masoméno dos aña pasá. Mi ta sinti su falta ora mi ta na Kòrsou.

Sebel ku mi a keda den un hotèl rústiko na Pietermaai: BOHO. Nos a kana keiru den Punda i Otrobanda, tambe bishitá restorantnan pa kome. Riba e último dia



Lástima ku Wifrido Ortega, eskritor di novela, no por a rekonosé mi mas.



Freddy Sadek, su kachó yamá Kaya òf Mahos, huntu ku Sebel.

m'a bishitá eskritor Wilfrido Ortega (92) na un kas di kuido pa hende grandi. Lástima ku e no por a rekonosé mas. Un gran hòmber. Mi kier a

bishitá Jorge Scharbaai tambe, konosido naradó di futbòl, den otro kas pa hende grandi. Pero nèt e dianan ei el a sali pa keda serka su famianan.



Sebel a kana ku mi den Punda i a saka e foto aki di mi banda di lusnan di Pasku.





Nos a bishitá tambe Hòfi Mango, proyekto di Jandino Asporaat. Huntu ku Sebel na e parti ku nan ta yama 'Shelu'.

MONCHI & TONCHI

Henny yama sinta mira. Awor e ta hari kuchi kuchi.

Awèl si, ta ken a manda Clark skupi den laira? El a kai den su kara.



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482
Redakshon: extrabon@gmail.com
aviso: avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Hefe di redakshon
Nathaly
Evertsz-Ipcedencia

Redakshon
Papi Antoin
Edson Pietersz
Ibi Piar (deporte)

Partner na Aruba
Awe Mainta
Partner na Kòrsou
Extra
Partner na Boneiru
Live99

Layout
Maya Beaumont

Konsehero:
Bòl Antoin
786-6818

Aviso
avisobon@gmail.com

Kódigo postal na 2026

KRALENDIJK – estado.

Na 2026 ta implementá kódigo postal na Boneiru, Sint Eustatius i Saba. Esaki Sekretario di Estado di relashon di Reino, Alexandra van Huffelen, a anunsiá den un karta na Tweede Kamer.

Promé mester instituí un registrashon di edifisio ku konekshon na otro registrashonnan básiko. Pa esaki ta nesesario pa trese e islanan riba base di foto aéreo i imágen di satélite den imágen.

Un implementashon mas lihé di kódigo postal na Boneiru, Sint Eustatius i Saba, lástimamente no ta posibel, pasobra kódigo postal no ta lòs di e registrashon di adrès, segun e sekretario di

Van Huffelen a informá Tweede Kamer tambe tokante e digitalisashon mas aleu na Karibe Hulandes. Gabinete ta haña importante ku siudadanonan i empresanan na Boneiru, Sint Eustatius i Saba, por probechá tambe di e oportunidatnan di digitalisashon balioso i ta den estado pa mitigá nan rísiko di digitalisashon. Esaki awor no ta completamente e kaso. P'esei nos ta duna servisio di digitalisashon di Gobièrnu, mehorá e infrastruktura i amplia e konosementu i abilidad di siudadanonan i empresanan.

Resultado di komparashon di preis di komestibel desèmber 2023

MAS BARATA:

1. CARIBE NOBO, 35 PRODUKTO
2. VOORDEEL WAREHOUSE, 22 PRODUKTO
3. FAMOSO, 22 PRODUKTO

TOP 3

BON DIGRO & DRAGON CITY (ANTES "PROGRESSO") NO A DUNA

NAN KOPERASHON

Pa informashon mas detayá

Download e lista via nos FB page: "Fundashon tienda pa Konsumidó Boneriano"



FTPKB

Poder di konsumidó, nos priodidat!



Bo tambe tin pregunta tokante asuntunan di labor?



Rijkdienst Caribisch Nederland
RCN-Unit Sociale Zaken en Werkgelegenheid

Abo kier sa mas tokante suèldu mínimo, kontrato, overtaim, retiro, malesa, oranan di trabou i tur bo derechinan komo trahadó òf dunadó di trabou? Òf bo tin un konflikto na trabou i bo mester di konseho òf mediashon?


Pa informashon tokante tur e temanan aki, bishitá e sekshon di Asuntunan Sosial i Labor riba www.rijksdienstcn.com. Pa pregunta i konseho tokante bo situashon spesífiko, bo por tuma kontakto ku e unidat SZW di RCN tambe:

Centrumgebied Kralendijk z/n

Oranan di konsulta: djaluna - djabièrnè 08.00 - 11.00 or

+599 715 8888

arbeidszaken@rijksdienstcn.com



BONERIANO

EDITOR: Bonaire Communication Services N.V. | Djaweps 11 mei 2023 | Preis: \$1.25

AMTENAR NO TIN RESTRIKSHON PA MANIFESTÁ

Pa aviso i komunikado den Extra/BONERIANO

Redakshon:
extrabon@gmail.com

Aviso:
avisobon@gmail.com

Pa mas informashon por yama nos libramente na 717-8482

BONERIANO e korant mas lesá aki na Boneiru!

PIESA I TIRE PA BO AUTO, BUS OF TRUCK

E prizònnan di mas horibel na mundu

KRALENDIJK – Den e edishon di òktober Panaroma ta dediká atenshon na e prizònnan di mas horibel na mundu. Resientemente e asesino Joran van der Sloot a bolbe aparesé den notisia. E ta den un di e prizònnan mas notorio di mundo, Challapalca na Perú, unda tin biá e ta fris na 20 grado. Tene kuenta ku paden. Panorama ta mustra e prizònnan mas peligroso na mundu. Loke bo no ke pa nan haña bo morto.

Kiko ta un prizòn peligroso. Un prizòn kaminda e pregunta ta sí bo ta sobreviví si bo ta será den dje. E prizònnan aki ta keda eksistí na 2021. Sí sigur, Guantánamo Bays tin suficiente den mundu. Friu i sin lus di dia Challapalca

Unda: Na Perú, den e serunan di Andes

Beinam: ‘El infierno del Perú’

Challapalca ta keda bandoná i desolá di Dios na 4.600 meter di altura i anochi por ta mas friu ménos ku 20 grado. Ta bastante difísil pa abogado, muchu

ménos pa bishitante, yega prizòn, pasobra e lugá mas serka ta mas o ménos seis ora leu, e siudat di Puno. E prizòn tin 122 sèl bieu, sushi, chikitu, di betòn. Mayoria di nan no tin lus di dia. Den kasi tur sèl tin dos òf mas prizonero. Mayoria di nan ta lidernan di krímen organisá i movementunan gueriero manera Sendero Luminoso i Movimiento Revolucionario Túpac Amaru. I Joran van der Sloot, esei tambe ta einan. Groupon di derechon humano ta afirmá ku e prisioneronan na Challapalca ta keda destruí mental i físicamente, pa un nutrishon deficiente i friu. I sí nò, nan lo kaba ku otro durante peleanan mutuo ku tin biá ta kuminsá i hopi biá ta terminá sangriento. Di bui i tuberkulosis Petak Island Prison

Unda: Na Rusia, riba e isla chikitu i aislá Ognenny Ostrov.

Beinam: E Alcatraz Ruso

Si bo ta será den e prizòn di Petak Island, bo ta un morto bibu. Bo ta pasa 22.5

ora den bo sèl tur dia, por lo ménos ora bo no tin ku traha. Bo ta ventilá den un kouchi di heru den kua bo por para apénas, den e aire friu pafó di e tundra Ruso. Mayoria biá tin sneu.

Bo ta drumi riba un kama di heru ku un matras di fini riba dje. Ta ekonomisá hopi riba kuminda. Aparte di bo sèl, bo ta kasi semper di bui pafó. Un biá pa siman nan ta pelá bo seku seku. No tin awa ku ta kore den bo sèl. Mitar di e prizoneronan ta diagnostiká ku tuberkulosis durante nan estadia, pa motibu di akceso limitá na baña.

Riba YouTube bo por haña video skèrpi di e invierno akí. Práktikamente no tin niun hende ku ta pasa su tempu den e Alcatraz Ruso sin daño. Òf bo mester ta un hòmer di heru. Aki ta e kriminalnan mas fuerte di Rusia, violadónan, teroristanan i asesinonan ta será. Isolamentu total ADX Florencia

Unda: Na Colorado, Estádos Unídos, serka di e siudat Florencia

Beinam: Alcatraz di

Rocky Mountains

ADX Florence ta konosí komo e prizòn ku mas kustodia na mundu. Aki bo ta biba den un isolashon kasi total. E detenidonan ta pasa 23 ora nan so den nan sèl sinku dia pa siman, no tin kontakto ku nan kompañeronan di prizòn. Nan ta solamente permití pa sali for di nan sèl pa kana den un espasio ku ta parse un pisina bashí.

E wikèntnan nan ta pasa 24 ora nan so den nan sèl. Den dje tin un kama, un mesa i un stul, tur di betòn. E sèlnan ta kompletamente será. Den e mihó kaso, e lo haña un televishon blanku i pretu durante vários ora den su sèl. Bo por mira solamente programanan religioso.

E prizoneronan na Supermax ta mayoria terorista. Manera Zacarias Moussaoui, e úniko persona kondená pa su papel den e atakenan di 9/11 i Ramzi Yousef, e mente tras di e atentado kontra e toreannan di WTC na 1993.

Un èks prezu a konta su storia un biá na e agensia di notisia Reuters. El a deskribí bida den prizòn komo apolutamente inhumano. “Inkluso e muchanan aki na Guantánamo ta mihó. Un konsuelo, bo no tin mester di teme pa pelea mutuo.” Humiashon i falta di soño Guantánamo Bay

Unda: Cuba, na bahia di Guantánamo

Guantánamo e prizòn oksidental mas peligroso na e momentu akí ta e kampamentu di detenshon di Guantánamo Bay, popularmente konosí komo Guantánamo.

Guantánamo Bay ta un base naval di Merka den Guantánamo Bay, Cuba. E base a keda establese na 1898, ora Merka a invadí Cuba na final di e guera hispano amerikano. For di e momento ei, gobièrnu di Merka a laga sera e área ei na Cuba.

Na yanüari 2002, e

atministrashon Bush, bou di responsabilidad di Sekretario di Defensa Donald Rumsfeld, a disidí di sera den Cuba den su teritorio presunto teroristanan estranhero ku no por a keda husgá na Merka. Ta e era despues di e atakenan di 9/11.

E komité internashonal di Krus Kòrá a inspekshoná e kampamentu na yüni di 2004. Den un informe konfidensial, empleadonan di Krus Kòrá ta akusá e militarnan Merikano di usa aktonan humiante, humiyando e prizoneronan. Ademas, e prizoneronan ta keda será nan so pa hopi tempu, eksponé na temperaturanan ekstremo i obligá pa keda pará òf sintá pa hopi tempu den un manera bastante inkómodo. Ademas, e ta kòrda su soño.

Parti di e kontroversial kampamentu di prizòn ta keda den uzo na 2021, apesar di e promesanan di èks presidente Barack Obama pa sera Guantánamo Bay. Abusá seksualmente i violá Mendoza Prison

Unda: Ciudad de Mendoza, Argentina

Beinam: Invierno di Mendoza

E prizòn di Mendoza ta akomodá mas ku 2.000 prizonero, miéntras tin lugá pa 600. E wardadónan di prezu ta spùit den bo kuminda òf ta uriná riba bo. Abuso kruel sin ningun motibu ta mas e regla ku e eksepsion. Hopi prizonero ta drumi riba suela, sin matras, sin deken. Bon biní na invierno di Argentina.

Amnesty International ta protestando pa añanan kaba pa detenshon di persona den prizòn di Mendoza. E kondishonnan kruel, inhumano i degradante den prizòn di Mendoza, ta hasi ku e prizoneronan, mayoria di kua ni sikiera a keda huzgá i kondená, ta sali pió ku ora nan a dreña.

Si e wardadónan di prezu no abusá di bo, e ora ei lo bo keda abusá



FTPKB
Poder di konsumidó,
nos priodidat!

Fundashon Tienda pa konsumido Boneriano
ta yama danki na:

Caribe supermarket
di mart pa desember 2023
43 produkto mas barata ku otro
supermerkadonan

OFF 82%

OTRO \$310.71

CARIBE \$171.02



seksualmente òf violá dor di un di e hopi gènnan di prizòn. Afortunadamente tin sí un servisio médiko.

Amnesty International: “Tin dòkternan presente na prizòn di Mendoza, pero nan ta keda yamá solamente sí un prizonero a muri kaba.” Hopi prizonero ta malu. Tin masha tiki baño i muchu prizonero pa sèl. Sinku prezu pa kada kuart meter kuadrá di sèl ta perfektamente normal. Kayente i yen Bangkwang Central Prison

Unda: Thailandia, nort di Bangkok, den e provinsia di Nonthaburi.

Beinam: Bangkok Hilton, tambe Konosí komo Big Tiger

Na Bangkwang, no ta friu manera Na Challapalca i den prizòn di Petak Island, sino super kayente. E ta un promedio di un grado di 40. Komo ku e fasilidatnan sanitario ta pa yora, bo por tin un idea di e holó na Bangkok Hilton. E prizòn ta masha sushi, intensamente sushi i bieu, e edifisio ta data di 1930 i manera ta sosodé den e tipo di paisnan akí, sobre poblá. Na prinsipio, bo ta terminá solamente sí nan kondená bo na 25 aña di prizòn òf mas, òf sí bo a risibí e kastigu di morto.

Tin hopi trafikante di droga, pasobra Tailandia ta bastante fuerte ku tráfiko di droga. Si bo ta planeá pa bai hasi kontrabanda di droga, no hasié na Tailandia, Machiel Kuijt, solamente busk'é na Google, sa tur kos tokante esaki.

Panorama ta sita: “Detenidonan por laba nan

mes solamente ku awa no purifiká, loke por hasi ku nan ta haña infekshon. Ademas, tin miedu di asesinato. I si nan no matá bo, bo mester sigurá ku bo ta haña suficiente kuminda. E plan di kuminda ta konsistí di un plato di aros i un plato di sòpi pa dia. Investigashon ta mustra ku un Europeo ta sobreviví na promedio solamente nueve aña den e kompleho di sèlnan kayente infernal Di Bangkwang.”

Hamber i kanibalism Gikondo Prison

Unda: Na Ruanda, Afrika Oriental, serka di e kapital Kigali

Beinam: Kwa Kabuga
E prizòn mas peligroso na mundu ku ta keda den uzo ta na Ruanda, sí no konta Kampamentu 22 na Nort Korea. Pero Kampamentu 22 no ta un prizòn, e ta un kampamentu di konsentrashon, puru horror. Sinembargo, e prizòn di Gikondo no ta desvia hopi for di e gran miseria di Kampamentu 22. Promé bo por keda tirá den Gikondo meskos ku asina, sin ningun prosedura legal.

Na Gikondo ta kome asina poko ku ta bisa ku ta produsí kanibalismo. Den Kampamentu 22 bo tambe ta muri di hamber. No tin awa i koriente den prizòn di Kigali. E kastigu na Kwa Kabuga, manera tambe yamá prizòn, no ta gaña tokante esaki. Por ehèmpel, e wardadónan di prezu ta dal bo sí bo no para bon dilanti nan. Esaki ta loke Human Rights Watch (HRW) a bisa den un informe di 2015 riba e sistema penitensiarario na

Rwanda.

Tin un informe nobo di HRW di sèptèmber 2021: “E detenidonan a bisa ku nan tabata yen den sèlnan sin suministro básiko manera awa i kuminda i ku nan a keda batí repetidamente. Nan a bisa tambe ku ningun di nan a keda akusá di e manera habitual, sin keda hibá dilanti hustisia òf asistí pa un abogado.”

Speisialmente muchanan di kaya, vagabundonan, prostitutanan, homoseksual, bendedónan ambulante i personanan di bario marginal, ta den riesgo grandi di keda será na Kwa Kabuga sin ningun tipo di huisio, òf asta sin kargo. Algun ta sali despues di algun dia. Otro hende nunka mas ta keda informá.

Notorio mundial Alcatraz i Abu Ghraib

E prizòn di mas famoso na mundu ta sin duda Alcatraz. Alcatraz (La Roca) ta un isla den bahia di San Francisco. For di 1934 te ku 1963, e úniko edifisio grandi di e isla a keda usá komo prizòn ku hopi kustodia. Originalmente e edifisio akí tabata sirbi komo un fuerte militar.

Na Prizòn sivil di Alcatraz, na prinsipio un régimen hopi estrikto a keda apliká. E prizoneronan no tabata ni permití pa papia. E prizonero mas famoso di Alcatraz ta Al Capone.

E prizòn mas notorio na mundu tabata e prizòn di Abu Ghraib den e soberbio di Bagdad di e mesun nòmber na Irak. Den e gobièrnu di Saddam Hussein, Abu Ghraib a bira un di e prizònnan mas

brutal di Irak i di Mundu. E formanan ekstremo di tortura i ehekushon ta e òrdu di dia, segun Krus Kòrá.

Despues di e invashon Merikano di Irak, kosnan no ta mehorá muchu. Abu Ghraib a bira notisia mundial atrobe na 2004 ora prensa a publiká potrètanan importante di prizoneronan Irakí. E prizoneronan ta keda menasá pa e ehérsito Merikano ku kachónan di lucha ku ta blaf i aparente elektrokordá, entre otro kosnan. Ta solamente na 2014 e prizòn infernal lo sera definitivamente. Hollywood mas pió

Tin prizòn ku ta asta pió ku e prizònnan di teror menshoná? Sí, p'esei nos mester bai Hollywood. Riba e pantaya grandi nos por mira prizònnan ku ta desafia nos imaginashon ainda mas. Por ehèmpel, kiko bo ta pensa di e buraku di ratonnan super violento Turko yamá prizòn Sagmalcilar den e pelíkula di Escape Midnight Express (1978).

Detaye: E prizòn Krudo sin presedente a eksistí, pero direktor Alan Parker i eskritor Oliver Stone a agregá mas na dje. Na rabia di hopi polítiko Turko, ku a sinti ku e bon nòmber di nan Ministerio di Hustisia tabata empeñando. I kiko di e prizòn Shawshank partikularmente antipátiko di The Shawshank Redemption (1994). E detenshon mes por no ta fásil, pero e régimen korupto i dolorosamente sigur no ta.

E prizòn i e régimen na Île du Diable (Isla di Diabel) na Guyana Franses, den e pelíkula di Prizòn Papillon (1973, remarke di 2017), ta hopi estrikto.

Dos aña so den un sèl di isolashon trankil i sangeroso despues di un promé intento di hui, sinku aña despues di e di dos intento, e ta soportá.

Eksagerá? E pelíkula manera Midnight Express, ta konsistí di un historia 100% real. Pero e prizòn di

Hollywood ta mas brutal, sin duda. E fortaleza, dirigí pa e empresa sikopata Men-Tel Corporation den e pelíkula The Fortress (1992). Ora e yega prizòn, e ta pone un asina yamá ‘intestinador’ den e stoma di e prizonero. Esaki ta un bola di heru pisá ku por keda aktivá via remote kontròl. E aktivashon ta kousa doló infernal i asta por kousa e eksploshon den stoma di e prizonero. En realidat, nos no a kome e kos asina kayente ainda. Pero, kuantu tempu esei lo tuma. Kiko di Vught

Kiko ta e prizòn mas infernal na Hulanda. Esaki ta e instalashon èkstra sigur, EBI, na Vught. EBI ta un prizòn den un prizòn, ya ku e kompleho ta den prizòn di Vught.

EBI ta muraya èkstra i ta konstruí di tal manera ku semper tin un bista optimal di henter e kompleho. E asientonan di aire ta ekipá ku baranan na e parti ariba, anteriormente tabata di glas. Esaki ta evitá ku un detenido ta keda rekohé pa un helikòpter, òf ku un helikòpter ta laga arma bai.

Vários biá pa dia nan ta registrá bo, vários biá pa siman nan ta registrá bo, por lo ménos un biá pa siman tin kontròl riba selular, bo no por kontrolá lus den bo sèl bo mes, semper bo tin dos guardia rònt di bo ora bo ta for di bo sèl.

E programa di dia ta hopi limitá, bishitantenan ta keda tras di un glas di siguridat resistente, tur nan karta ta habri. E kombersashonnan telefóniko, solamente na kantidat fiho, limitá den kantidat i tempu, ta keda skuchá den sekreto, eksepsion di esnan di un abogado.

For di EBI, ku a habri na 1993, te awor nunka un detenido a hui. Tampoko nunka a yega di tin un situashon di rehen òf un intento di hui dor di EBI. Pero a bati e prizoneronan vários biaha. Na 1999 un prizonero a risibí vários sla asina fuerte na kabes ku el a muri.

BIDA SALÚ

Dikon ta asina difísil pa haña kura pa alzheimer

KRALENDIJK -- Apesar di dékadan di investigashon riba malesa di alzheimer, ainda no ta trahando riba ningun remedi, muchu ménos riba merkado, ku por kura pashèntnan ku alzheimer.

Kon esei por ta

Na 1901, na e hospital unda e ta traha, e sikiatra klíniko, Alois Alzheimer, ta topa un pashènt di 50 aña ku un cuadro klíniko alto misterioso. Tur kos a kuminsá ku

paranoia, ya ku su esposo ta konfia den alzheimer. Pero despues kosnan a bai abou na un ritmo rápido i el a desaroyá problemanan kresiente di soño i memoria. Tambe e ta bira mas i mas konfundí i agresivo.

Interes pa alzheimer ta lanta i ora e ta haña sa na 1906 ku e muhé a muri i ta duna e oportunidat pa analisá su serebro, e no tin duda pa un momentu. E ta studia e serebro di e muhé y ta deskubrí entre otro akumulashonnan

di proteina. Esei mes aña, el a kompartí su resultadonan ku otro sikiatranan durante un konferensia. Pero nan ta muera tiki interes i pa hopi tempu apénas ta mensioná e sikiatra i su malesa di alzheimer.

Ainda no tin remedi

Kon diferente e situashon ta na 2023. No solamente kasi tur hende sa di malesa di alzheimer. Mayoria di nos tambe sa di un persona ku ta sufri di dje. I pa vários dékada, a gasta un kantidat grandi di plaka i tempu den investigashon di alzheimer. Pero pa awor, kasi 120 aña despues ku e malesa a keda diagnostiká pa promé biá, ainda no ta resultá den un kurá. Kon esei por ta.

Kousa

“E problema mas grandi ta ku ainda nos no sa eksaktamente kiko ta bayendo malu den e kaso di alzheimer,” Femke Feringa, neurosientífiko di Vrije Universiteit Amsterdam, ta bisa Scientias.nl.

“Nos ta mira akumulashon di proteina amiloide of tau den eksplorashon, un karakterístika importante di alzheimer, pero nos no sa kiko ta kousa nan. I sí bo no sa kon un malesa ta surgi òf kiko ta kousa e malesa, naturalmente tambe ta hopi difísil pa trata e malesa, muchu ménos kura e malesa.”

Tokante alzheimer

Alzheimer ta e forma mas komun di demensia.

Segun Alzheimer's Netherlands, 70 porshento di tur persona ku demensia ta sufri di alzheimer. Hende ku alzheimer hopi biá ta lubidá na prinsipio. Na un etapa despues, nan por desaroyá problemanan di memoria mas grave, konfundí, bira agresivo, òf sospechoso i tin difikultat ku akshonnan di tur dia ku ántes tabata fásil pa nan.

E síntomanan akí ta hopi biá asosí ku akumulashonnan di proteina ku ta visibel den eksplorashon di e serebro di pashèntnan ku alzheimer. Espesífikamente, ta trata di proteina amiloide ku ta agrupá entre e sènan nèrvioso di e serebro i ta forma e asina yamá plaka ku ta hasi komunikashon entre e sènan difísil.

Ademas, hopi biá ta forma tau proteina den sènan serebral di pashèntnan ku alzheimer, ku ta interumpí transporte di nutriente den sèl. Aunke investigadónan ta mira klaramente e akumulashonnan di amiloide i gruponan di tau den e serebro di pashèntnan ku alzheimer, ainda no ta kla ki mekanismo ta basa nan i sí e akumulashonnan i gruponan akí ta realmente e kousa di alzheimer, òf mester ta mas bien komo un konsekuensia, òf síntoma, di otro proseso di malesa den e serebro.

Serebro


E echo ku nos no ta komprondé

kompletamente ainda kiko eksaktamente ta bayendo malu ora hende ta desaroyá alzheimer, ta prinsipalmente pa motibu ku e malesa ta afektá e serebro. I nos no por eksaminá nan asina fásilmente. “Bo no por simplemente kita un parti di bo serebro i studia esaki, algu ku bo por hasi ku tumor òf otro tehido, or ehèmpel,” Feringa ta splika. “I pa hopi tempu nos por a studia solamente e malesa post mortem, den otro palabra opservando e serebro di pashèntnan ku a fayesé ku alzheimer, ku a pone nan kurpa disponibel pa siensia. Pero despues bo ta mira solamente e etapa final di e malesa i no kon tur kos a kuminsá.”

Modelo di animal

Den un intento pa komprondé e kousa di alzheimer mihó, investigadónan tin biá ta usa modelo di animal tambe. Hasiendo esaki, e animalnan di laboratorio ta adaptá di tal manera ku nan ta desaroyá un malesa similar na alzheimer.

“Ta usa raton pa esaki,” Feringa ta bisa. “Pero e modelonan animal akí tampoko ta ideal. E ratonnan no ta haña alzheimer nan so. Pa nan por desaroyá algun tipo di alzheimer, e DNA mester keda modifiká, pero aunke asina e imágen klíniko ainda no ta manera 100 porshento di esun di personanan ku alzheimer. Asina ta sigui yuda ku e método di investigashon akí.”



Popularidat ta relativo
P'esei un propio estilo
No solamente pa ta eksitoso
Sino sigur mas balioso

BròKèS 93.5 FM
pokopoko pero sigur mas i mas hende ta ...



Skuch'è

Telefon/ WhatsApp +599 701 0935
www.radio935bonaire.com




The most complete payroll and HR software in the Caribbean!

Payroll Pro
HRM

www.payrollprohrm.com

Download the mobile app!



Fiesta di Santa Famia siklo B

Promé Lektura : 1Samuel 3, 20-22. 24-28

Salmo : Salmo 84, 1-2. 4-5. 8-9

Di dos Lektura : 1Huan 3, 1-2. 21-24

Evangelio : Lukas 2, 41-52

“Hesus, Hosé i Maria mi ta duna boso mi kurason i mi alma”. Asina mamanan den algun pais a siña nan yunan resa basta aña pasá i ta un lástima ku nos a bin ta pèrdè e kustumber aki. Ya nos no ta dirigí e mirada di nos muchanan na e tres personanan ei ku ta forma e famia di Nazaret: Hesus, e yu di Dios ku a bira hende; Maria, e hobensita skohé pa Dios pa ta mama di su Yu i Hosé, e bon hòmbèr, e karpinté, ku a risibí e enkargo di kuida nan dos. Hesus, Maria i Hosé, e Santa Famia. Esaki ta e fiesta ku nos ta selebrando awe. Famia santu pasobra Dios mes ta den dje i santu pasobra a konsagrè ku su amor i santidat. Nan tres tabata hende simpel, nan tabata un famia mas den e pueblo chikitu ei.

Nan tabata pover o riku?

Segun manera bo ta mir’é. Nan tabata pover pasobra nan no tabatin muchu sèn; nan tabata pover pasobra pa por biba, nan tabatin ku traha masha duru mes; nan tabata pover, sin kas kaminda nan por a drenta p’asina nan yu por a nase. I nunka nan a sinti bèrgwensa di nan pobresa. Nan tabata sa ku den otro kos nan tabata riku. Hesus pasobra E tabata Dios, i Hosé i Maria pasobra nan tabata sa ku esun ku tin Dios ya no por tin nada mihó.

Tabata un famia uní o sin union? Laga nos mira loke e evangelio ta bisa nos. Nan tres a bai tèmpel ora Hesus tabatin diesdos aña. Ora nan tabata bolbiendo kas, Maria y Hosé a nota ku nan a pèrdè Hesus i ya nan no tabata por biba na pas. Nan tabatin ku bai bèk i buska, pasobra nan



no tabata por biba separá di e yu ei. Si nan tabata un famia sin union, manera algun famia di awendia, ni sikiera nan lo a prekupá. Pero nan a buska i a haña Hesus. Unda? Den iglesia, den tèmpel. Eina e tabata, siñando i instruyendo. Kuantu mayor, awe lo pensa di bai iglesia pa buska nan yunan? Kuantu yu, ora nan sali kas, ta dirigí nan mes pa iglesia pa resa, pa siña, pa yuda?

Hesus, Maria i Hosé semper tabata ke biba uní, pero dispuesto pa hasi boluntad di Dios den nan bida. Tin bia nan mester a separá nan mes, nan tabata tin ku resigná nan mes na boluntad di e Tata ku tabatin mester di nan pa salba mundu, i e ora ei nan no a sinti temor di biba separá, pasobra nan tabata sa ku felisidat kompleto ta den

sirbi Dios i e rumannan pa amor di Dios.

E famia di Nazaret tabata un famia alegre o tristu? Nos ta kere ku di tur kos un poko. Nan tabatin e alegria ku tur famia uní tin, tur famia denter di kua tin amor, pero tambe tabatin momentonan tristu. Alegria i tristesa ta semper mesklá den nos bida. Pero sigur ta ku tantu alegria komo tristesa a sirbi pa uní nan mas, p’asina nan stima otro mas. Siendo ku Dios ningun hende por hasi nos infelis. Ora Hosé i Maria drenta tèmpel pa ofresé nan yu, nan ta bai ku e alegria di mayornan yòn bendishoná pa Dios, pero nan ta skucha e profesia di Simeon i Ana i nan ta duna nan mes kuenta di ku tantu e mucha komo nan lo tin ku sufri hopi. Alegria i tristesa, speranza i sufrimentu a meskla den nan bida.

Ki klase di bida Hesus, Maria i Hosé a biba? I nos ta puntra esaki pasobra awe ta mashá normal skucha algun hende bisa: “Mi ta bai biba mi bida. Mi no tin kunen ku ningun hende. Mi ke biba na mi antoho, hasiendo loke mi tin gana, sin mira sintimentu o sufrimentu di otro nan”. Tin mayor i yunan ku awe mes ta bibando asina. I komo kada un ke biba nan bida separashon i destrukshon di famia ta alkansá nos.

Hesus i su mayornan tabata biba un pa e otro. Nan no tabata ke biba nan bida separá, den forma egoista. Nan a biba pa stima otro, pa yuda, pa hasi nan mes felis sirbiendo Dios Tata. Egoismo ta loke ta mata amor. Egoismo ta trese soledat i amargura den nos bida. Nos ta sinti nos mes so? Lo no ta pasobra nunka nos tin un palabra di kariño pa ningun hende? Si nos no sa di duna afekto i amor nunka lo risibí esaki di otro nan.

Biba den famia ke men biba ku otro i pa otro. Pa por hasié nos mester di apnegashon. Apnegashon ke men ninga bo mes. Si nos ta biba ku otro nos no por hasi semper loke nos tin gana; nos no por yega kas i hasi tur bochincha ku ke; no por hasi uso di kosnan segun tin gana. Nos tin ku respetá smak, komoditat i boluntad di otro nan. Biba pa hasi otro felis no ta fásil, pero ta bal la pena. Mester sa ki ora keda ketu, soportá, pordoná, pero despues ta sinti e alegria di esun ku ta haña algu ku esfuerso propio. Esaki ta e úniko moda pa por biba na pas.

Nan ta bisa ku esnan kasá, matrimonio no por ta felis si riba kada dia no ta preokupá pa TA felis, si riba kada dia no ta puntra loke esun a hasi pa e otro, si nan ta lubidá di bisa otro un palabra di afekto, di duna otro un sunchi, di regalá un flor, si keda sin bisa otro “mi stima bo”. Mesun kos ta pasa ku hinter famia. E mama mester puntra: Kiko bo gusta? E yu hòmbèr mester por bisa: “Kiko bo ke pa mi hasi, mama?” E yu muhé tin ku aserká su tata i bis’é: “Den kiko ami por yuda bo awe, papi?”

Asina nos ta bai konstruyendo famia. Manera e famia ei di Nazaret ku tabata pover i riku, ku tabata uní pero ku tabatin ku sufri pena di separashon, ku tabata alegre, pero ku tambe a konosé tristesa. “Hesus, Hosé i Maria, nos ta duna boso nos kurason i nos alma”. Ku Hesus libra nos di egoismo, ku Maria hasi pa nos ta dushi i tierno pa trata otro nan, ku Hosé ta siña nos pa ser servisial i amabel pa trese den kurason di tur hende pas i trankilidat.

Awe Hesus lo bin den nos kurason. Laga nos pensa ku Maria i Hosé ta bini kuné. Laga nos invitá nan pa keda ku nos p’asina nan siña nos kon stima, sufri i kombibí.

E mihó deseonan

Nan a puntra un estudiante kiko tabata loke tabata deseá di tin mas den bida i el a kontestá:

“Salú, amor i éksito den mi estudio”

Nan a puntra mesun kos na un fiadó di plaka, i el a bisa: “Plaka, plaka i mas plaka”. Tambe lo a puntra un hòmbèr mashá pover u su kontesta tabata: “pan, pan, pan”. I asina susesivamente e pregunta a hasi, e kontesta di mayoria tabata ku “Rikesa, fama y plaser”.

I na final nan a puntra un hòmbèr ku ta sali di iglesia, kiko e tabata loke mas ambishoná den bida. I el a kontestá di forma masha trankil: “Promé mi ta deseá di topa ku Kristu, di dos sigui Kristu i di tres di ta manera Kristu”.

Kiko abo lo a kontestá si nan lo a hasi bo e mesun pregunta?

Felis Aña 2024

Mi ke deseá tur lesadó di Korant Nobo speshalmente esnan di Página Katóliko un felis kambio di aña 2023 i un komienso di 2024 yen di dicha i prosperidat, salú i bendishon pa boso i boso i famia.

No spera pa loke 2024 lo bin trese bo, pero abo yena kada dia di 2024 ku trabou, pas, solidaridat, sakrifisio, toleransia, komprehension, respèt, positivismo i hopi amor.

Ku bendishon di Dios semper lo ta ku boso.

Rutzen Lucas

Produtor di Página Katóliko



Yapi Martijn a muri lagando un tesoro atras

WILLEMSTAD – 1994, respektivamente Den e último simannan di aña pasá Serapio (Yapi) Martijn a fayesé na Kòrsou, lagando un tesoro grandi atras, esta dos buki ku ta trata historia musikal di Kòrsou. Pues dos tomo, den kua el a relatá historia musikal di Kòrsou. Percy Pinedo, konosido personahe di radio i farándula, kolumnista di BONERIANO, a dediká atenshon na e bida produktivo di Yapi Martijn komo kronista di músika di Boneiru.

Pa: Percy Pinedo

Den Ñapa di 9 di mart 1991 i Ñapa di 14 di mei

1994, respektivamente Marcel Frans i Ieteke Witteveen a publiká un artíkulo relashoná ku Serapio (Yapi) Martijn. Ami a entrevistá Yapi Martijn un biaha den programa AGAN na Curom. For di e tres fuentenan akí, mi a kompilá e siguiente artíkulo, “Pa nos kòrda Yapi Martijn”.

Serapio Gregorio Martijn a nase dia 14 di novèmber 1934 na Kòrsou. Komo mucha di Marchena el a bai na un misa Atventista den Mundu Nobo, kaminda el a siña e promé prinsipionan di muzik.

Yapi tabata bishitá diferente ensayo di vários banda i tambe e tabata bishitá fiesta bailabel, kaminda tantu bandanan lokal komo bandanan internashonal tabata toka.

Karera musikal

Yapi Martijn mes a kuminsá su karera musikal den “Sonora del Caribe”, un banda di su bario Marchena. Manera Yapi mes tabata bisa, ku semper tabata lubidá riba su bario Marchena i for di e tempu ei e bario tabata kategorisá komo un bario marginá.

Manera el a konta, el a bai un fiesta na Parera,

kaminda “Conjunto Cristal” a toka, bou di direkshon di e pianista Arquimedes Fermin. Fermin a impreshoná Yapi dje tantu ei, ku el a disidí di entregá su mes na tokamentu di piano. Nan tabata toka i balia e tempu ei hopi den Bar Onze Vlag, un bar ku nan mes a yama “Kabarèt di Alpargata”, kaminda nan tabata balia ka’i òrgel i tambú. Nos plaser den nos mes ambiente tabata inkomparabel.

Yapi Martijn den bida diario tabata traha komo ámtenar na Gobièrnu Sentral, i komo músiko el a toka den diferente banda. Yapi su eterno preokupashon tabata ku e ta haña ku no tabata duna e artista lokal e rekonosementu ku e meresé. Siendo ku ora nan bai den eksterior, representando Kòrsou, nan, komo artista tabata haña un trato tur afó i na su propio isla esei no tabata e kaso.

Chapo!

Durante e temporada ku Yapi a krese komo hóben, muzik kubano ku tabata zona aki na Kòrsou. Guaracha, bolero, danson tabata zona tur kaminda i asta nos na Kòrsou, tabata sintonisá muzik di Cuba, via emisoranan Kubano, Progreso, Radio CMQ, Cadena Azul i aki na Kòrsou via 1010 Radio Hoyer. Sonora Matancera, Trio Matamoros, Conjunto Casino, Orlando Vallejo, Arsenio Rodrigues i Beny Moré tabata artistanan masha gusta na Kòrsou.

Hopi biaha, amantenan di e tipo di muzik akí

tabata topa otro na El Louvre, Casa América di René Hurtado, Music Store Moderno di Tomas Henriquez, La Bonanza, Benar Sales i Discolandia Cualess.


“E muzik Kubano tabata esun ku tabata interesá nos i nos tabata hasi nos esfuerso pa imitá esaki mihó posibel”, asina Yapi Martijn a komentá. Esaki a dura te na kuminsamentu di dékada 60. E tempu ei, hubentut tabata sigui loke tabata na moda i bo por bisa e tempu ei ku tur hende tabata “chapo”.

Popularidat di bandanan di Cuba tabata grandi i diferente promotor tabata trese e bandanan akí Kòrsou. Tabata bandanan tòp di Cuba, Yapi tabata komentá i nan mester a toka ku nos orkestanan, ku ningun momento tabata baha kabes pa esnan internashonal.

Frater- i Brudernan di Brakapoti tabata e proménan pa instruí nos hóbenan músika i di e skina ei a sali entre otro: Chal Atalita, Edgar Supriano, Carlino Snijders, Juan Camelia, Bobby Allee. Komo músiko amatùr, nos no tabata ménos ku esunnan internashonal. Nos isla tabata riku na músiko, kantante i bon músika.

Hopi aktividat

Na dékada 40 i 50, Kòrsou a konosé masha hopi aktividat musikal. Nos no tabatin instrument manera tin awor aki, pero nos tabata zona profeshonal. Por ehèmpel “Conjunto Universal” na dékada 50, tabata kobra



KÒRSOU



300 florin pa un banda di 12 hende. Bo no por a kumpra un piano, pero bo mester a hür e instrumènt serka Patrick na Johan van Walbeeckplein, kaminda awor akí ta CITCO. Abo mes mester a transportá e piano.

Yapi ta remarká: “Kompará un banda manera Estrellas del Caribe, ku un popularidat enorme, no a yega Hulanda, miéntras awor akí, kualke banda un pa dos ta na tera friu”.

Yapi Martijn: “Nos tabata produsí muzik na nivel”. Pero di ningun manera, bandanan lokal, músikonan lokal tabata haña e rekonosementu ku nan tabata meresé i ami a purba na mi manera pa trese un cambio den esei, produciendo dos buki tokante e bida musikal di Kòrsou. Ningun hende no tabata kere den e proyekto akí, ku mi a inisiá na aña 1988. Mi tabatin e idea pa skibi un buki i mi tabata buska informashon tur kaminda, Yapi Martijn a konta. Mi kier a duna

rekonosementu na e artista/músiko lokal. Pero mi no tabata hasi esaki di un forma struktural.”

“Tabatin un buki di muzik, skibí pa Edgar Palm, pero den e buki akí el a skibi di un otro tipo di muzik: di nos wals, dansa, mazurka i te na final el a skibi algu di músika popular.

Ántes bo no tabatin programa di farándula manera Waya i AGAN, ku tabata papia i elogiá artistanan lokal. I tabata krea e persepshon, ku no tabatin bon artista/músiko lokal.”

Époka 1930

“Den mi afan pa skibi tokante muzik lokal, mi a disidí di kue e époka di 1930 pa 1989, komo esaki tabata e époka ku a trese e cambio den nos muzik lokal. Promé ku esei tabata muzik di Dinastia Palm i di Boskaljon tabata toká, pero despues di 1930 septeto i konhunto a drenta i Kòrsou a haña mas radioemisora i e ambiente a kambia. Mi a

pasa den hopi problema pa haña informashon, pa dokumentá e pida historia akí, hopi di nos artista/músikonan no tabata bon organisá i nan no tabatin e informashon di nan karera dokumentá.”

Yapi Martijn: “Ku tur e bon boluntad ku hendenan kier a yuda mi, mi a pasa den bastante turbulensia pa mi por a yega na e informashon ku mi tabatin mester”. Resultado: Maleta yen di artíkulo di korant, masha hopi potrèt. Despues durante dekada 60 a bini e bitbèntnan di Kòrsou, atrobe hopi imitashon, pero den e kaso akí, músika pòp, i aki a kuminsá e distinshon entre músika pa hóben i “chapo”.

Bitbènt

Radionan a kuminsá promové bandanan di guitarra plat i orkestanan a kuminsá dispersé. Un San Hose i Estrellas del Caribe a keda un tiki mas largu. Despues tabata époka di Doble R i Dynamic ku òrgel i synthesizer na lugá di trompèt.

Fong Sintjago tabata esun ku a konta Yapi basta historia di 1930 bin ariba i Yapi a kolekta un kantidat potrèt tambe di bandanan, ambiente, klupnan di ántes. Yapi ta rekonfirmá: “Kòrsou tabata musikalmente masha bon desaroyá”. I tabatin diferente klup bon tambe, manera Klup Sentro Sosial Katóliko den Penstraat, Klup Kwiek den Otrobanda i Klup Kòrsou bisiña di Radio Hoyer.

Poniendo skibimentu di e buki komo meta, pa realisá e obra di su bida, Yapi, konfrontando masha hopi problema, pleitu ku diferente instansia na Kòrsou, sektor privá

ku no tabata koperá manera tabata spera di nan, departamentonan di Gobièrnu, tantu Insular komo Sentral, diferente medio di komunikashon, entre otro ku nos di AGAN, Asosiasion di Músiko di Kòrsou, problemanan finansiero ku OKSNA ets. Den e prólogo di Kòrsou Musikal Tomo 2, Yapi Martijn a habri afó kontra tur oposishon ku el a haña riba su kaminda pa realisá e proyekto akí.

Kòrsou Musikal

Na final di 1993 e buki Kòrsou Musikal, Tomo I, un dokumentashon di nos historia musikal popular entre 1930 i 1989, a mira lus di dia. Un buki di 277 página i ku mas o ménos 136 potrèt. Den e buki, Yapi ta menshoná mas ku 200 banda/konhunto ets. i un kantidat sin presedente di artista. Un kos nos sa sigur, ta un buki skibí ku hopi amor. E no tabatin pretenshon di ta eskritor, pero el a relatá e historia manera e tabata konos’é i manera el a haña informashon serka un gran kantidat di músiko i amante di muzik.

Yapi ta menshoná tambe teater i empresario. Teaternan manera Roxy, Cinelandia i West End, i empresarionan manera Angel Job, Romualdo Hanst, Moy Galante, Dugo Schenker i bailarinnan manera: Juancho Smith, Ana Elegante, Elena Thaina i Chuki Scharbaai.

Na 1999 e di dos Tomo a mira lus i a kubri mas grupo/bandanan di dékada 60, 70 i 80. E rekuerdonan na nos añanan di gloria, ku asina tantu kos bunita i positivo, ta trese euforia, pero na mes momento ta trese tristesa tambe. Kiko

a hasi ku tur e esfuerso kultural i e kreatividat di esnan ku a bai nos dilanti durante e dékadan akí. Unda e rèspèt pa nan a keda?

Fuera di algun kaya ku a haña nòmber di algun kantante/artista/músiko. Un hoben ku pasa por ehèmpel den Kaya Koko Le Pol, e nòmber di kaya ei no ta bisa e hoben nada, pasobra ningun hende no a siña e hoben, ken Koko Le Pol tabata. Por sierto kayanan ku hopi biaha ta sushi, mal mantené.

Desepshoná

Yapi Martijn mes tabata hopi deseepshoná, kon e por a konfrontá tantu problema asina pa publiká e dos tomonan akí. Si no tabata pa “amor al arte” i e nesesidat pa krea i ekspresá loke ta di nos mes, awe Kòrsou lo tabata un isla sin detaye di su historia di muzik dokumentá. Afortunadamente Serapio Gregorio Martijn a traha kasi dos dékada riba produkshon di “Kòrsou Musikal”.

Yapi Martijn a mira e nesesidat di dokumentá nos kultura musikal i duna rekonosementu meresí na nos baluartenan, i nos hóbenan tambe por siña konosé nos balornan musikal. Manera Yapi mes a bisa: ku ta duele ku hopi di nos baluartenan a muri bai, sin mira realisashon di e dokumentashon akí den su totalidat, loke semper tabata su deseo ferviente.

Yapi a fayesé dia 3 di desèmber 2023. Fuera di baluarte di Marchena, na bida Yapi no a haña ningun rekonosimentu. Ta duele ku ta di e manera akí mester pidi atenshon pa esnan ku hopi biaha, demasiado biaha, nos ta lubidá.

ARUBA

Auto a dal contra mata di kwihi


ORANJESTAD -- A drenta informacion cu un auto a baha caminda na Camacuri, y na stuur tin un dama. Na yegada di polisnan mesora nan ta constata cu e accidente ta serio, mirando e impacto. Tawata trata di un Nissan Versa.

Ambulance a yega y despues di un rato Brandweer tambe, cu mester a yuda pa saca e dama na un

manera cuidadoso for di e auto. Nos por a mira cu e dama tawata na tino y nan tawata papia cu ne. Pero, e tawata seriamente herida.

Despues di bastante papiamento, e team di bomberonan y paramediconan a logra saca e dama y pone den ambulance.

Polis di trafico n'e sitio, mesora a cuminsa cu nan investigacion.



Polis a topa cu dama for di conocimiento ariba suela

ORANJESTAD -- Diamars anochi den careda di 7'or y mey polis mester a bay den area pabou di scol S.P.O na Santa Cruz. Eybanda lo tawata tende un muhe ta grita.

Na yegada di polis cerca di unda nan mester a bay, nan a bin topa cu un hende muhe ariba suela y no tawata reacciona. Pues e no tawata na tino. Mesora a pidi pa un ambulance.

Dado momento tawata parce cu e muhe lo a stop di hala rosea, unda cu a pidi pa ambulance bin mas lihe. Na yegada di ambulance e Paramediconan a tuma e situacion over, mientras por a mira polisnan na e sitio papiando cu un of mas persona di e caso.

No ta conoci kico exactamente a pasa cu e persona aki, si ta malo e la bira of e la wordo maltrata.



**Yuda nos tene
nos playanan limpi**



www.extraboneiru.com

extra
...number 1

ARUBA

Prome baby di aña 2024

ORANJESTAD -- E prome baby na aña 2022 y tambe na aña 2023 tabata un mucha homber. Durante celebracion di cambio di aña cu famia e awa a kibra di mama Kinberly Capellan De La Cruz y el a bay hospital di biaha. Pa 4'or y 30 minuut di mainta a yama bon bini na baby di aña Khi-Zion Capellan Bolivar. Un momento festivo pa

Aruba y e famia di HOH riba e prome dia di 2024 ora di por a yama bon bini na baby di aña y duna pabien ne mayornan.

Cu alegria, mami Kinberly y tata Argenis a carga nan baby pa prome biaha. Baby Khi-Zion tin 2 ruman caba. Su ruman muhe Rizairah tin 4 aña y su ruman homber Aron tin 1 aña. Baby Khi-Zion a nace cu

asistencia di ginecologo dr. de Wit cu un parto natural. Siguietemente pediatra dr. Korver a haci su chekeo y awo mami y papi tin nan baby dushi den nan brasa carga.

Baby Khi-Zion ta pisa 3100 gram y tin un largura di 50 centimeter. Papi Aregnis Bolivar tabata presente henter ora y ta masha orguyoso di por a yama bon bini

na su yiu riba e prome dia di aña 2024. Mami y papi ta super feliz cu nan baby ta saludabel y ta gradici dr. de Wit, nurse Judelly Zavala y nurse Monique Baktawar y claro ful e team dinamico di maternidad di HOH pa a guianan durante e proceso durante y despues di e parto. E ultimo baby di aña 2023 tabata un baby girl cu a nace pa 8 or y 18 minuut di anochi y despues di

Khi-Zion no a nace un otro baby ainda, pues un dia bastante trankilo riba departamento di Maternidad.



Muhe burachi a dal contra un pickup staciona

ORANJESTAD -- Aña nobo marduga polis a bay altura di Citgo Palm Beach, pa un boksmiento. N'e sitio nan a topa cu e chauffeur un hende muhe cu ta na stuur di un Hyundai Accent.

E incidente a sosode

altura di un stacionamento poco pabou di Citgo. Eynan e dama chauffeur a kita bay na su man robes y dal un pickup staciona y sigui bay direccion pariba unda e la para. Polisnan a lag'e supla, uzando e Alco-Sensor y manera nan a

pensa e la suprasa e limite stipula.

Eynan mes nan a bis'e su derechonan y a pone den boei. E la wordo transporta pa warda di polis. Pa locual ta e pickup esaki no a ricibi mucho daño material



Excelente estudiante Arubiano a pone fin na su bida

ORANJESTAD -- Un caso sumamente tristo a sosode net prome cu cambio di aña caminda un excelente estudiante di Aruba, a dicidi di bandona e bida aki durante cu e tabata cu vacacion cu su famia na Italia. Por a compronde cu tabata un situacion sumamente tristo, caminda cu a surgi un problema den su relacion cu su comprometida kende lo a dicidi di termina cu e relacion cu e hoben di Aruba.

E estudiante kende

tabata den un hotel na Italia riba e di cinco piso, a haya su mes confronta c'un situacion mental contra cual e lo no a mira otro solucion di bula for di balcon di e hotel enfrentando morto na final.

Un parti hopi tristo di e drama familiar aki tabata e hecho cu su tata a haci tur esfuerso pa gara su yiu tene pero no tabatin un grip solido riba su yiu y dado momento el a presencia su yiu cay abou y fayece na e sitio mes.

STATIA/SABA/ST. MAARTEN

Firmamentu pakete hudisial legislativo

PHILIPSBURG -- Den un evento trasendental, invitadonan i públiko online, a reuní pa presensia Minister di Husticia Anna Richardson, firma e pakete legislativo di hustisia huntu. E firmamentu ofisial di e dekretonan nashonal a tuma lugá na e edifisio di atministrashon gubernamental djaweps 27 di desèmber.

E firma historiko di e dekreto nashonal ku ta kontené e medidanan general pa e posishon legal di e ofisialnan ku tareanan polisial i e skal salarial nobo di polis, huntu ku e dekreto nashonal pa e posishon legal i tambe e buki di funshon aprobá.

E biahe pa e logro

signifikativo akí a kuminsá na sèptèmber 2020, tempu ku e Minister a embarká den e biahe pa kompletá e pakete legislativo. Siguiendo e kanalnan legal, e buki di funshon a keda aprobá 21 di desèmber 2021. Na desèmber 2022, e ministerio a presentá e pakete na Su Ekselensia Gobernador

Ajamu Baly, kende a konsehá ku e mester konosé tur e kalkulashon di e debe. Komo tal, e ministerio mester a someté su mes na un tarea metikulozo pa identifká e kantidat total di debe, inkluyendo suisidio di fakansi, oranan èkstra i debe debí na premionan sosial, APS i SZV. E total akí a yega na mas o ménos 40

mion florin. E kálkulonon a keda kompletá na yüli 2023, ku proyekshonnan di kalkulashon di debe te ku 31 di desèmber 2023. Identifikashon di e debe a hasi ku e presupuesto 2023 mester a keda modifiká pa inkluí asuntunan aktual

i plurianual pa garantisá koherensia ku pago na trahadónan di hustisia.

Simultáneamente ku e aprobashon di e enmienda di presupuesto di 2023 pa Parlamento di Sint Maarten, e ministerio di hustisia a presentá e pakete

bèk na Su Ekselensia ku ta abarká e buki di funshon i e dekreto nashonal ku ta kontené medidanan general di e posishon legal di e ofisialnan ku tareanan polisial huntu ku nan skal di salario nobo i nan dekreto di promoshon.



Pa ekspandé nesesidat spesial di skol


721 Kids Foundation ta entregá petishon pa supsidio

PHILIPSBURG – 721 Kids Foundation a presentá ofisialmente su petishon na Ministerio di Edukashon pa un suisidio pa e próksimo aña eskolar akademiko. E direktor di e fundashon, Thermador Shalland, a bisa dia 24 di novèmber a presentá e dokumentonan final nesesario na e edifisio di atministrashon gubernamental. Ekspresando su speransa ku lo aprobá e suisidio, Shalland a enfatisá e impakto significativo ku e lo tin riba e stabilitat finansiero di e skol, inkluyendo kobertura di gastunan, salario di maestronan i atkisiashon di ekipo spesialisá pa e studiantenan. Ademas, el a enfatisá e nesesidat urgente di un espasio mas grandi i e implementashon di un sala di abilidat pa bida, enfatisando ku sigurá e fondonan akí, lo permití e skol pa ekspandé su servisionan i atenshon na e studiantenan. Shalland a señalá e enfoke prinsipal

di optené un edifisio òf fasilidatnan mas grandi pa e skol sí e supsidio ta aprobá, sitando dos edifisio identifká ku ta ideal pa akomodá studiantenan ku nesesidatnan spesial. E opstákulo prinsipal pa sigurá e fasilidatnan akí, ta e finansiamentu. Aktualmente e skol tin aproksimadamente 52 estudiante registrá. E suisidio ta posibel tambe pa fasilidat e kontrataashon di maestronan kualifiká adishonal ku nesesidatnan spesial i lo duna kapasitashon na e personal aktual. Ku un demanda kresiente di mayornan ku ta buska un lugá pa nan yunan, un lugá mas grandi lo permití un kapasidat mas haltu di studiantenan na skol, partikularmente entre edat di 4 pa 8 aña. Ademas, Shalland a señalá ku e supsidio por aliviá e pesonan finansiero di mayornan ku ta lucha pa paga plaka i servisio eskolar. El a enfatisá ku aktualmente e skol ta drai

rònt di e presupuesto di e mayornan pa garantia ku tur mucha ta risibí e edukashon nesesario, aunke nan no por hasi e pago regular. E fundashon ta spera ansiosamente aprobashon promé ku e komienso di e aña eskolar nobo 2024/2025.

Foto: Direktor di 721 Kids Foundation, Termada Shalland, ta tene e dokumentonan final promé di entrega.



Investigashon tokante violencia

THE BOTTOM -- Durante kambio di aña un insidente a tuma lugá na un estableimentu di horeca na Saba, kaminda un agente polisial di Kuerpo Polisial Karibe Hulandes, KPCN, a saka su arma di servisio reglamentario. Un empleado di KMar ku tabata tei presente, tambe tabata involukrá den e insidente i a usa violencia.

Ministerio Públiko a tuma nota ku e insidente

akí a kousa hopi konmoshon den komunidat di Saba i riba medionan sosial i p'esei pa bou di un fiskal, pa hasi un investigashon penal na echonan ku a kondusí na uso di violencia dor di e trahadónan di KPCN i KMar.

Manera ta kustumber, semper ta investigá uso di violencia dor di ámtenar i ta evaluá esaki kontra di reglanan vigente. Entretantu e investigashonnan ta

andando dor di Bureau Interne Zaken di respektivamente KPCN i KMar.

Seguidamente Ministerio Públiko lo evaluá resultado di esaki. Promé ku saka konklushon tokante e insidente, lo hasi máksimo esfuerso pa akumulá tur echonan tokante di e insidente. Ora ku e investigashon terminá i ku por saka konklushon, lo duna mas informashon.

Aksidente di avion na Tokyo kousá pa eror humano

Evakuashon tabata un milager

K R A L E N D I J K / TOKYO -- E tabata imágennan importante na aeropuerto Haneda na Tokyo, un eksploshon fuerte i un avion di pasahero destruí riba e pista ku e ala

na kandela na un velosidat di sentenáres di kilometer pa ora. Apesar di e ola di kandela, tur e okupantenan di e buelo di Japan Airlines (JAL), a sali sano i salvo.

Den un avion di Warda Kosta Hapones ku a dal den e avion di pasahero, sinku di e seis tripulantenan a muri. Djaweps e komunikashon a bira konosí. Esaki ta muestra ku ta trata di un eror

humano, no tékniko.

Brantwer a purba di paga e kandela tan pronto ku e evakuashon a kompletá. E Airbus A350 a keda completamente destruí. Un komité ta investigando awor kon e aksidente por a sosodé i ta analisando kon por evitá e riesgo na mínimo.

Komunikashon

Ministerio di Transporte a publiká komunikashon entre e avion i e toren di kontròl. Pa 17:43, kuater minüt promé ku e aksidente, buelo 516 di JAL, for di Chitose, Nort di Hapon, a risibí outorisashon pa usa e pista.

Dos minüt promé ku e aksidente, pa 17:45, e avion di Warda Kosta Hapones a haña pèrmit pa taksi pa e pista. E buelo akí tabata intenshoná pa bai provinsia di Niigata pa entregá artíkulo di promé ousilio den e área di wèst di Hapan unda tabatin un temblor djaluna.

E choke tabata na 17:47. E registro di komunikashon ta mostra ku e avion di Warda Kosta a risibí pèrmit pa bai riba e pista, pero tabatin órden pa para promé ku e linia di parada. E avion tabata riba e pista na momento di e aksidente, hopi ariba e linia.

Debí na e diferensia di altura, e avion di Warda Kosta a hasi kontakto direkto ku e motor di e avion di pasahero. Esaki a sigui ku un eksploshon ku a mata sinku di e seis tripulantenan. E kapitan a sobreviví e insidente na tempu. E ta kontradisí e datonan di komunikashon i ta bisa ku e tabatin pèrmit pa subi e pista.

Desaroyo di huma pisá

E 367 pasaheronan di e avion JAL a sobreviví. E imágennan di e pasaheronan a sirkulo riba retnan sosial inmediateamente despues di

e aksidente. Un eksploshon fuerte, lusnan pagá i un kabina yen di huma pretu.

E tripulashon ta pidi e pasaheronan pa mantenénan kalma i ta bai direktamente na e salida di emergensia. Despues di algun minüt, tur ta pafó, inkluyendo e 12 miembronan di tripulashon.

En total, 18 minüt a pasa entre e choke i e final di e evakuashon.


Kompanianan di aviashon mester demostrá ku nan por evakuá tur pasahero for di un avion den un minüt i mei, miéntas ku solamente por tin aksesio na un par di salida. Esaki ta praktiká hopi biá, pero den situashonnan trankil sin maleta.

Apesar di e kandela i desaroyo di huma fuerte, e pasaheronan di buelo 516 ta parse di sigui e instrukshonnan di e tripulashon trankilamente i sin maleta. E aktitut akí, segun ekspertonan, ta un splikashon di e evakuashon rápido.

Hopi spesial

Pa e pasaheronan e desgrasia ainda tin konsekuensia, nan a pèrdè nan pertenensianan. No por a salba e maleta. Dos bestia di kas atrapá den e trùk, a muri den e kandela. Pasaheronan lo risibí un kompensashon di 1200 euro di JAL, en bes di e kantidat standard di 950 euro pagá den kaso di pèrdida di opheto.

Pero esakinan ta detaye den e storia mas grandi. E tripulantenan di e avion JAL tin status di héroe, ta mira e evakuashon komo un milager. E echo ku no tin víktima abordo di e avion di pasahero komo resultado di e ola di kandela, ta hopi spesial, un èks kapitan di JAL a splika na e kanal di televishon TBS. Lo usa e aksidente akí komo entrenamentu standard den futuro.



Den disputa Mariadal:

Hues ta sentensiá Clark Abraham

K R A L E N D I J K -- Clark Abraham, lider polítiko di Partido Demokrat i diputado, a keda sentensiá dor di Korte debí na inkumplimentu. E mester paga Fundashon Mariadal 17.8984,16 dòler, umentá ku 16 luna di interes legal. Tambe e polítiko i diputado mester paga e kostonan di prosedura di e kontra partido.

Den un kopia di e veredikto ku Korte Komun di Hustisia a duna liber, a tapa nòmber di Abraham, pero no tin niun duda ku e veredikto tin di aber ku su persona.

Aña pasá despues di un oferta di Fundashon Mariadal, Abraham a haña enkargo pa entregá mil klechi. El a hasi esaki via di su empresa Yo! Branding & Productions i a deseá un pago adelantá di e kompra total di 19.548 dòler. Den e veredikto,

Hues Veerman ta indiká ku e empresa no ta registrá niun kaminda, loke ta lanta e pregunta sí a traspasá e ABB. P'esei no ta ekskluí ku e polítiko i diputado ainda tin tambe Belastingdienst su tras.

Di e mil klechi pagá primintí, Abraham finalmente a entregá apénas 80. Despues ku a sali na kla ku e no tabata planiá pa entrega e otro 920 klechinan, e fundashon a eksigí pa pago bèk. Komo ku e empresario/polítiko a nenga i no tabata dispuesto tampoko pa regla e kuestion entre e i e fundashon i tampoko intermediashon di deurwaarder a yuda, Mairadal a disidí pa kobra e sèn via di Hues.

Dia 27 di sèptèmber e promé seshon a tuma lugá. Abraham, kende no a laga e keda representá dor di un abogado, a pidi Hues suspenshon pa por a prepará un reakshon riba

e kobransa.


Na e segundo seshon, dia 25 di òktober, Abraham no a presentá, pa despues a bolbe dun'é suspenshon, e biá akí te 29 di novèmber. Komo ku el a bolbe keda sin presentá, Hues Veerman a disidí di duna veredikto.

Na sèptèmber BONERIANO a informá komo promé tokante e kuestion. Pidí pa un reakshon e tempu ei Abraham a bisa: "Ta di lamentá ku ta trata pa finnan polítiko pa krea un imágen bruá di asuntunan ku ta posibel pa interes públiko."

Desde 24 di òktober di nobo Abraham ta diputado. E tin entre otro e kartera di finansa bou di dje. E veredikto no mester tin konsekuensia polítiko. Esaki tampoko tabata e kaso tempu ku na 2018 el a keda sentensiá pa entre otro maltrato te na un kastigu di prizòn.

Elsmarie riba tour na Ecuador

Elsmarie Beukenboom, komo un bon amante di naturalesa, e dlanan aki ta riba un tour na Ecuador. E ta bishitando diferente área di naturalesa den e pais Sur Amerikano. Riba e foto Elsmarie durante bishita na algun di e sitionan di mas bunita di e pais.



UNTAMED

HUNTER

POWER UNLEASHED



SERVICE & PARTS
GUARANTEED

+

3 YEAR
WARRANTY

starting
at

\$22,995



CHANGAN AUTO

dabboussi

BEST-SELLING PICKUP

[/dabboussimotors](#)

701.6463